



RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166

Rješenje Kantonalnog suda Tuzla br: U/I-0891/98.

ID PDV broj: 209329530001

Identifikacijski broj: 4209329530001

Porezni broj: 03421100

www.rmub.ba



Broj: 3446 /23
Banovići: 08.03. 2023 god.

U skladu s članom 100. stav (3) Zakona o javnim nabavkama Bosne i Hercegovine („Sl. glasnik BiH“, broj: 39/14 i 59/22), člana 82. Statuta RMU „Banovići“ d.d. Banovići broj: 317/16 od 11.01.2016 godine, a rješavajući po žalbi ponuđača "Remex" d.o.o. Tuzla izjavljenoj na Odluku o izboru najpovoljnijeg ponuđača broj: 18363/22 od 22.09.2022 godine u otvorenom postupku javne nabavke – Nabavka i ugradnja primarnog drobilnog postrojenja poz. A I B – 1 komad, direktor donosi

ODLUKU o usvajanju žalbe i izboru najpovoljnijeg ponuđača

Član 1.

Usvaja se žalba ponuđača REMEX d.o.o. TUZLA izjavljena na Odluku o izboru najpovoljnijeg ponuđača broj: 18363/22 od 22.09.2022 godine u otvorenom postupku javne nabavke – Nabavka i ugradnja primarnog drobilnog postrojenja poz. A I B – 1 komad, kao **djelimično osnovana**.

Član 2.

Stavlja se van snage Odluka o izboru najpovoljnijeg ponuđača broj: 18363/22 od 22.09.2022 godine.

Član 3.

Donosi se Odluka o izboru najpovoljnijeg ponuđača za nabavku roba "Nabavka i ugradnja primarnog drobilnog postrojenja poz. A i B – 1 komad", interni broj nabavke C-R-I 07/22 kojom se ugovor dodjeljuje ponuđaču "REMEX" d.o.o. TUZLA, prema ponudi broj: 0809/AS2022 za ponuđenu cijenu 1.300.000,00 KM bez PDV-a.

Član 4.

Ponuđač "Remex" d.o.o. Tuzla dužan je da u roku od pet (5) dana od dana prijema ove odluke dostavi original ili ovjerene kopije dokaza iz člana 45. ZJN BiH koji su precizno definisani u tenderskoj dokumentaciji.

Član 5.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 1. Zakona o javnim nabavkama.

Član 6.

Ova Odluka objavit će se na web-stranici www.rmub.ba istovremeno s upućivanjem odluke ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 7.

Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 8.

Ova odluka stupa na snagu danom donošenja.

Obrazloženje

"Remex" d.o.o. Tuzla (u daljem tekstu Žalitelj) je uputio Rudnicima mrkog uglja „Banovići“ d.d. Banovići (u daljem tekstu Ugovorni organ) žalbu na Odluku o izboru najpovoljnijeg ponuđača broj: 18363/22 od 22.09.2022 godine kojom je kao najpovoljniji ponuđač izabran West Balkans Machinery d.o.o. Beograd.

Prije nego što se uputio u meritorno odlučivanje Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na dopuštenost, blagovremenost izjavljenost od ovlaštene osobe, odnosno na pretpostavke propisane odredbama članova 100. i 101. ZJN.

Ispitujući pravne pretpostavke za postupanje po predmetnoj žalbi, Ugovorni organ je utvrdio da su udovoljene procesne pretpostavke za ulaganje žalbe, odnosno da je ova žalba blagovremena, dopuštena i izjavljena od ovlaštenog lica zbog čega je moguće daljnje postupanje po istoj.

Prvi žalbeni navod je neosnovan, tenderskom dokumentacijom nije određeno da se unosi podatak o žiro računu za inostrano plaćanje, isto tako TD nije propisano da li se podatak o sistemu PDV-a odnosi na BiH sistem indirektnog oporezivanja ili sistem iz koje države ponuda dolazi. Cijena ponude se izražava bez PDV-a te Ugovorni organ smatra da upisane informacije u Aneks 2 koje se odnose na broj žiro računa i PDV-a, ne predstavljaju manjkavost koja bi dovela do eliminacije ponude.

Drugi žalbeni navod je osnovan, na strani 5 ponude izabranog ponuđača u tabeli ponuđene robe navedeno je EU što predstavlja Evropsku Uniju kao organizaciju a ne predstavlja konkretno zemlju porijekla predmetnih rezervnih dijelova.

Treći žalbeni navod je osnovan u ponudi odabranog ponuđača dostavljena je izjava koja je nije u skladu sa tenderskom dokumentacijom. U izjavi odbranog ponuđača navedeno je između ostalog: "FLSmidt kao proizvođača i dobavljač izjavljuje i potvrđuje da će za potrebe javne nabavke u rudniku Uglja Banovići proizvesti i isporučiti novo nekorišteno drobilčno postrojenje....." "Dok je tenderskom dokumentacijom u tački 7.4 između ostalog navedeno: Izjava proizvođača da će za ponuđača proizvesti i isporučiti novo nekorišteno drobilčno postrojenje.

Četvrti žalbeni navod je neosnovan. U tački 7.4.2 tenderske dokumentacije predviđen je način dokazivanja tehničke i profesionalne sposobnosti, ponovnim uvidom u ponudu odabranog ponuđača na strani 26 dostavljena je izjava koja je istovjetna sa izjavom traženom u tenderskoj dokumentaciji. U TD nije traženo da se navede broj postupka.

Peti žalbeni navod je neosnovan na strani 31 ponude odabranog ponuđača dostavljena je izjava koja se odnosi na referencu drobilice istih ili sličnih karakteristika u odnosu na ponuđenu drobilicu odnosno referenca drobilice proizvođača koju nude.

Šesti žalbeni navod je osnovan na strani 32 ponude odabranog ponuđača dostavljen je crtež „Proposal Drawing“ koji nije u skladu sa postavljenom tenderskom dokumentacijom iz razloga što nema traženog tehničkog rješenja sa crtežima osnova, presjeka, nacрта armatura i drugih konstruktivnih elemenata što je izričito zahtijevano u tenderskoj dokumentaciji.

Sedmi žalbeni navod je osnovan u ponudi odabranog ponuđača na strani 33 dostavljen je dijagram ulaznih i izlaznih dimenzija komada iz kojeg se ne može utvrditi da pripada ponuđenom modelu i proizvođaču.

Osmi žalbeni navod je osnovan u ponudi odabranog ponuđača na strani 45 koji se odnosi na garanciju opreme, navedena garancija je potpisana od strane Radivoja Jevtića za i u ime FLSmidt, ali nije dostavljeno ovlaštenje da osoba koja je potpisala garanciju ima pravo predstavljati navedenu firmu.

Deveti žalbeni navod je osnovan u ponudi odabranog ponuđača na strani 46 koji se odnosi na garanciju raspoloživosti, navedena garancija je potpisana od strane Radivoja Jevtića za i u ime FLSmidt, ali nije dostavljeno ovlaštenje da osoba koja je potpisala garanciju ima pravo predstavljati navedenu firmu.

Deseti žalbeni navod je osnovan, odabrani ponuđač nije dostavio detaljan spisak standardnih i specijalnih alata i opreme, na strani 57 ponude dostavljeni su nepotpuni podaci, a ne kako je to tenderskom dokumentacijom propisano navođenje pojedinačnih elemenata seta i njihovih jediničnih cijena.

Jedanaesti žalbeni navod je neosnovan tenderskom dokumentacijom nije predviđeno potpisivanje Aneksa 12 koji je dodatak na Aneks 11 garancija raspoloživosti. Forma garancije za ozbiljnost ponude Aneks 9 je dio tenderske dokumentacije i u formi je predviđeno da se navede naziv i adresa ponuđača, dok navođenje ID broja nije traženo.

Imajući u vidu navedeno, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove Odluke.

DOSTAVLJENO:
1x učesnicima
1x a/a



DIREKTOR
Elvir Salihović, d.p. ecc

Transakcijski računi:

161 0250 007 190075 Raiffeisen bank d.d. BiH, filijala Tuzla
132 1300 309 179345 NLB Banka d.d. Tuzla, filijala Banovići
154 3602 003 310866 Intesa Sanpaolo banka d.d. BiH
555 0530 049 467130 Nova banka AD Banja Luka, ekspozit. Tuzla
102 7090 000 001366 Union bank dd Sarajevo

306 0450 000 163538 Addiko Bank d.d. Mostar
140 4010 018 681113 Sberbank BH d.d. Sarajevo
186 0001 048 962098 Turkish Ziraat bank Bosnia d.d.
338 4402 212 197081 UniCredit banka d.d. Mostar
199 0500 055 252556 Sparkasse bank dd Sarajevo